

Filemón

Pablo Filemo waĩcũgũre gojanũgarũ

¹ Yũhũ Pablo Jesucristo yagũ yũ árĩri dipuwaja peresugue árĩgũ iiaa. Yũhũ, mari acaweregũ Jesu yagũ Timoteo mera mũre Filemore gojabeoa gũa. Mũhũ gũa mahigũ Cristo yare gũare mohmetamugũ āhraa mũhũ.

² Eropirã Jesu yarã mũ ya wi gamenererã sãre gojabeoa gũa. Mari mahigo mari acawerego Jesu yago Apia sãre gojabeoa gũa. Arquipo sãre gojabeoa gũa. Arquiporũ gũa iro dopa Cristo yare weregũ āhrimi.

³ Eropirã Goãmũ mari Pagũ, mari Opũ Jesucristo mera mũare õadoreaa. Īgũ itamuri mera õaro árĩque mũaa.

Filemo gajirãre ĩgũ mahirire, Cristore ĩgũ umupeorire werepũ Pablo

⁴⁻⁵ Yũ acaweregũ, Filemo, mũre guña Goãmũre mũre serēbasamũraa. Eropa serēbasagũ “Õhaa,” arãa yũhũ ĩgũre. Cristore mũ mahicũ ĩgũre mũ umupeocũ gajirã Jesu yarãre mũ mahicũ peeabũ yũhũ. Eropigũ Goãmũre “Õhaa,” arĩ mucubiria.

⁶ Cristore mari umupeorire gajirãre weregũ āhraa mũhũ. Mũ eropa árĩgũ árĩcũ i sãre serēbasaa Goãmũre. Jesucristo yarã árĩrã wũaro õarire oparãca mari. Irire mũ opaburire õaro mũre masipehodoregũ serēbasaa Goãmũre.

⁷ Acaweregu, gajiräre mu mahicã peegu mucubiria yũhũ. Árĩpehrerã Goãmu yaräre ðaro sĩporã turacũ iigu waĩcua mũhũ. Mu eropa iicũ peegu mucubiria yũhũ.

Pablo Onésimo ya árĩburire serēpũ Filemore

⁸⁻¹⁰ Eropigu dohpaguere Onésimore mu pohro majagu árĩdigũre mũre serēbasadiaa. Peregusue guu árĩrã Cristo yare werebu yũhũ ĩgũre. Irire peegu Cristore gahmeami ĩgu. Eropigu ĩgu Goãmu yagu wahámi. Eropa wagu yu magu iro dopa áhrimi. Eropigu yu bugu árĩgu Cristo yare yu buhera dipuwaja peresu árĩgu mũre Onésimo mera werebeogũra ĩgũre mu iiburire. Cristo ĩgu buhedore ĩgu apidigu áhraa yũhũ. Eropa árĩgu, árĩgu ĩgũre mu iiburire mũre dorebu áhraa yũhũ. Eropa árĩgu árĩqueregu ta mũre doresome yũhũ. Mahiri mera mũre werebeogũra iripēta.

¹¹ Cristo yagu ĩgu árĩboro core Onésimo mu pohro majagu árĩgu duhpibu árĩbiridigu árĩmi. Mũre ðaro itamubiridigu árĩmi. Dohpague tamerare yũre ðaro itamugu áhrimi. Mu sãre ðaro itamugu árĩgũcumi. Dohpaguere bu árĩgu gohra árĩbeami.

¹² Eropigu dohpaguere ĩgũre mũre wiagu iiaa. ĩgũre turaro mahia. ĩgu yu turaro mahigure mũre wiagu iiaa.

¹³ ĩgũre mũre wiabiricũ ĩgu yu pohro dujaboñumi. Ōari buherire yu buheri dipuwaja peresu yu árĩrisubu ĩgũre yũre itamudoreboya yũhũ. Eropigu yu mera dujadoreboya yũhũ.

Mupũ yure itamumasibiricũ ãgũpũ mũre gohro-
togũ árĩboñumi.

14 Eropa árĩquerecũ mũre wiagũ iiaa ãgũre.
Mũhũ ãgũre “Dujaque,” mũ arĩbeocũ, ãgũre
dujadoreboya. Yũpũ mũre “Yũ pohro ãgũre
apique,” arĩdiabirica. Eropigũ ãgũre mũre
wiagũ iiaa.

15 ãgũ Onésimo mũre bajamenũrigã ãgũ mũre
duhrigãra pũhrũ dipaturi mũ mera árĩgũcumĩ
daja. ãgũ mũre duhricũ Goãmũ gamero dopa
ta wahabũ, arĩ pepia yũhũ, ãgũ Jesu yagũ ãgũ
árĩborore. Eropigũ mũ pohro árĩgũ daja õaro
árĩniguigũcumĩ.

16 Eropigũ ãgũ dohpaguere mũ pohro majagũ
gohra árĩbeamĩ. Pohro majarã tauñariro árĩgũ
ãhrimi ãgũ yũ pepicũre. Dohpaguere ãgũ mũ
acaweregũ Jesu yagũ ãhrimi. Eropigũ ãgũre tu-
raro mahia. Mupũ yũ tauro ãgũre mahique. Mũ
eropa mahigũ mũ pohro majagũ ãgũ árĩqueregũ
ta mũ pohro majagũ gohra árĩbeamĩ ãgũ. ãgũ mũ
acaweregũ Jesucristo yagũ ãhrimi.

17 Eropigũ yure mũ bocatĩridiro dopa ta ãgũ
sãre õaro bocatĩrique. Mũ mera majagũ yũ
árĩcũ ãgũ sãre õaro bocatĩrique.

18 Eropigũ gajiropa mũre ãgũ iicũ, mũre ãgũ
wajamogũ árĩcũ yũpũ irire wajayegũra.

19 Yũhũ Pablo yũ basi ire were gojagũra:
Yũpũ wajayegũra mũre. Mũre yũ buhera pũhrũ
Cristo yagũ mũ wacũ árĩpehrerinũri Goãmũ
mera árĩbu ãhraa mũhũ. Mũre yũ eropa buhera
waja mũ sã yure wũaro wajamogũ árĩboca. Mũ
eropa árĩquerecũ ta mũre wajayegũra ãgũ mũre

wajamorire.

²⁰ Eropigu yu acaweregu, yu mahigu, mari Opu Cristo yagu ahraa muhu. Mu eropa arigu Onesimore oaro bocatirique. Cristo yagu arigu yu acaweregu ahraa muhu. Eropa arigu, arigu yure oaro mucubiricu iique.

²¹ I yu wererare oaro iiguca muhu. Eropigu yu werera tauro iiguca muhu. Irire masigu mure gojabeogu iiaa.

²² I sare weregura mure: Mua pohrogue yu waborore Goamure mua serēbasarare igu yuhribocumi. “Áu,” igu aricu gahmea yuhu. Eropigu mua pohrogue yu ejaburi toere amuyaque muhu.

Pablo oadoretupu Filemore

²³ Epaфра mure oadoremi. Igupu Cristo yare igu iira dipuwaja yu mera peresu arigu ahrimi.

²⁴ Eropira Marco, Aristarco, Dema, Luca yu mera mure oadorema. Cristo yare yu buhecū erāpu yure itamura ahrima.

²⁵ Mari Opu Cristo mera oadorea muare. Igu muare oaro iigucumi. Eropa ta iiporo. Iripeta ahraa.

Desano

Desano: Goñmu Yare Wereripu New Testament

copyright © 2011 Wycliffe Bible Translators, Inc.

Language: Desano

Contributor: Wycliffe Bible Translators, Inc.

All rights reserved.

2025-05-01

PDF generated using Haiola and XeLaTeX on 30 Apr 2025 from source
files dated 1 May 2025

17771afc-c309-57fd-9ff3-2d5a0cd59ff1